

Bosna i Hercegovina
Federacija Bosne i Hercegovine
Srednjobosanski Kanton/Kanton Središnja Bosna

KANTONALNI SUD U NOVOM TRAVNIKU

Broj: 06 0 K 012517 21 K 2

Novi Travnik: 10.01.2022. godine

U IME FEDERACIJE BOSNE I HERCEGOVINE !

Kantonalni sud u Novom Travniku u vijeću sastavljenom od sudaca: Lazarela Porić, predsjednica vijeća, Zuhdija Ćosić i Darmin Avdić, članovi vijeća, uz sudjelovanje zapisničara Mironije Jozak u kaznenom predmetu optuženog N.S. zbog kaznenog djela ubojstvo iz članka 166. stavak 1. u svezi sa člankom 28. Kaznenog zakona Federacije BiH, postupajući po optužnici Kantonalnog tužiteljstva Travnik broj T06 0 KT 0024787 18 od 17.02.2020. godine, nakon glavnog pretresa koji je bio javan, održanog dana 05.01.2022. godine, na kojem su bili nazočni zamjenik glavnog kantonalnog tužitelja Kantonalnog tužiteljstva iz Travnika Dragan Popović, optuženi N.S. i njegov branitelj Bekir Ferizović, advokat iz Travnika, po obavljenom vijećanju i glasanju, u prisustvu optuženog N.S., a u odsustvu zamjenika glavnog kantonalnog tužitelja Kantonalnog tužiteljstva iz Travnika Dragana Popović i branitelja Bekira Ferizović, advokata iz Travnika, dana 10.01.2022. godine donio je, a predsjednica vijeća javno objavila sljedeću:

PRESUDU

N.S., zvan „N.“, sin E. i majke R., rođene K., rođen godine u B., nastanjen u mjestu ..., općina B., po narodnosti Bošnjak, državljanin BiH, JMBG:..., bez zanimanja, pismen, završio osnovnu školu, neoženjen, vojsku odslužio u Sarajevu, ne vodi se VE, nije odlikovan, lošeg imovnog stanja, osuđivan, nalazi se na izdržavanju kazne zatvora

KRIV JE

Što je:

Dana 27.10.2018. godine, u ranim jutarnjim satima oko 01.40 sati u ulici ... u B., općina B. u disco klubu tzv „...“ vlasništvo I. N. u naprijed navedenom mjestu, gdje su kao gosti bili prisutani oštećeni J.A. i N. S. i drugi gosti, nakon što je oštećeni J.A. poručio picu i piće i stao za viseći stol u neposrednoj blizini na udaljenosti od oko 2 metra od stola gdje je stajao S.N. i kad je oštećeni J.A. vidio da ga S.N. gleda i da se rukom drži za desni džep od hlača, oštećeni je prišao do stola S.N.a i pitao ga „šta buljiš“, nakon čega je do stola J.A.a došao M.E. koji je od oštećenog J.A.a uzeo komad pice i stao do J.A.a da pojede picu, nakon čega je oštećeni A.J. ponovno prišao do stola S.N.a, nešto mu rekao, a optuženi na to odmahnuo rukom, te se oštećeni vratio za svoj stol, da bi ponovno došao do stola optuženog i nešto mu rekao nakon čega i otvorenom pesnicom zamahnuo i zakačio ga po glavi, u kojem trenutku je S.N. u namjeri da liši života oštećenog J.A. a dok se nalazio u desno i manje više iza oštećenog, iz

neposredne blizine zamahnuo preklopnom čakijom- nožem, dužine sječiva oko 9 cm i ubo oštećenog J.A.a oštricom predmetnog noža u predjelu vitalnih organa-trbuha, iako svjestan da ubodom sa predmetnom čakijom-nožem sječiva dužine oko 9 cm može usmrtiti oštećenog što je i htio, na koji način je oštećenom nanio teške po život opasne tjelesne povrede u vidu ubodno rezne rane bočne strane trbuha u nivou između prednje i srednje pazušne crte otvara u koži oko 4 cm horizontalno postavljena koja se svojim kanalom postavljenim u smjeru ka unutra (ulijevo) i nagore nastavlja u prostor trbušne duplje zasijecajući donju plohu desnog režnja jetre u dužini od 6 cm i dubini 1 cm te potom probija (probada) dio poprečnog debelog crijeva završavajući sa ubodom zadorganskog predjela trbuha sa slijedstveno nastalim izlivom crijevnog sadržaja i manje količine krvi u trbušnoj duplji, nakon čega je S.N.a iz navedenog objekta izveo M.E.i M.A. koji radi u obezbjeđenju kao ispomoć u navedenom disko klubu, kad je S.N. predao predmetnu preklopnu čakiju-nož M.E. dok je J.A. odvezen u JU bolnica Travnik gdje je operisan i hospitaliziran do 14.11.2018. godine

Čime je počinio kazneno djelo ubojstvo u pokušaju iz člana 166. stav 1. u vezi sa članom 28. Kaznenog zakona Federacije BiH.

Pa ga sud temeljem istog članka i uz primjenu članka 42., 43., 49. st. 1., čl. 50. st. 1. i čl. 51. st. 1. tačka b) Kaznenog zakona Federacije BiH, te članka 300. Zakona o kaznenom postupku Federacije BiH

OSUĐUJE

Na kaznu zatvora u trajanju od 2 (dvije) godine

Na temelju članka 78. st. 1. Kaznenog zakona Federacije BiH, optuženom se izriče mjera sigurnosti oduzimanja predmeta, pa se privremeno oduzeti predmet, preklopna čakija-nož, dužine sječiva oko 9 cm, kao predmet koji je upotrijebljen u počinjenju kaznenog djela, ovom odlukom oduzima trajno i isti se po pravomoćnosti presude ima uništiti.

Na temelju odredbe čl. 202 st. 4 Zakona o kaznenom postupku Federacije BiH optuženi se u cijelosti oslobađa dužnosti naknade troškova kaznenog postupka.

Na temelju odredbi čl. 212. st. 3. Zakona o kaznenom postupku Federacije BiH oštećeni A.J. se sa imovinsko-pravnim zahtjevom upućuje na građansku parnicu.

Zapisničar
Mironija Jozak

Predsjednica vijeća
Lazarela Porić